

EXAMINATIONS COUNCIL OF ZAMBIA

Examination for General Certificate of Education Ordinary Level

Lunda

3147/1

Paper 1

Monday

18 JULY 2016

Additional materials
Answer Booklet.

Time 2 hours

Instructions to Candidates

Write your name, centre number and candidate number in the spaces provided on the Answer Booklet.

Answer **five** questions. First answer Question **1**, then answer any **four (4)** other questions.

Write your answers in **Lunda** in the separate Answer Booklet provided.

If you use more than one Answer Booklet, fasten the booklets together.

Information for Candidates

The number of marks is given in brackets [] at the end of each question or part question.

Cell phones are not allowed in the examination room.

Nshimbi kudi akakusoneka

Mpinji: Ora Zhiyedi

Sonekaku izhina deyi, nambala yeluña diwunakusonekela ni nambala yeyi ha mukanda wañakwilichakwakwila. Tañaku nshimbi zhezhima zhidi kukutachika kwa malwihu. Akulaku malwihu ezhima ha chipapilu chacheñi chinakwinkuwu.

A CHIBALU CHATACHI – CHITUŊI [40]

Anakwinki nyitu yansaŋu yisatu yitaŋi nakashinshi wusakuluhu mutu wansaŋu wumu hohu. Sonekaku nawunyonzhi nikashinshi. Zatishaku chipapilu chimu nachikunku hela nsona kuvula hakachi kankulakazhi zhiyedi namakumi atanu nakushika kunkulakazhi zhisatu namakumi atanu.

(a) Desekezhi neyi wunatambuli mukanda wakukuhaŋa shikola nawu washeta walwa nakufumpa yeŋa yashikola. Dichi sonekaku mukanda wanshimbi kudi mukulumpi washikola nakudamwina. Iwu diwu mukanda iwatambula.

Kamuzekeli Secondary School,
P.O. Box 160128,
CHAVUMA.
10 Chishika Muneni, 2014

Jonathan Kamusaki,
C/O Mr Yowanu Kamusaki,
Village Makamba,
P.O. Box 150128,
SOLWEZI.
Kudi Jonathan Kamusaki,

MUKANDA WAKUKUHAŊA SHIKOLA

Nakulezhiku nami nakuhaŋi shikola kufuma hefuku dalelu da 10 chishika muneni, 2014 muloŋa wakusheta walwa nakufumpa yeŋa yakudila hefuku da 9 chishika muneni 2014.

Nakwinki nyilungu yiyedi kufuma ha 10 chishika muneni kulonda wushimuni wunsahu weyi wakudamwina henohu muloŋa weyi kanda wushiki kudi mukulumpi wamashikola mukabeta kakumuzhika.

Mukanda wuwukusoneka, wumu winzi kudami wukwawu wuyi kudi mukulumpi wamashikola kumuzhika kunaka keyala – Provincial Education Officer, P.O. Box 110098, Solwezi.

Yami

M. Ntukumina

Mukulumpi washikola.

C.C. Pronvincial Education Officer – Solwezi

C.C. Mr Yowanu Kamusaki – Village Makamba, P.O. Box 150128, Solwezi.

(b) Sonekaku chituŋi haniwu mutu wansaŋu.

– Hinatiyili cheŋi kuwaha kuhandila hesekiku.

(c) Nfulumendi yetu ya Zambia yinetezhi mwana wamumbanda kutaŋa shikola hela nemiti. Cheŋi nawa mwana yeniwu watela Kufunta Na kutaŋa neyi nasampuluki dehi. Sonekaku hakuwaha ni kutama ha mutu weniwu wunakutulezha neyi mwana wamumbanda watela Kufunta kushikola nakutaŋa neyi nasampuluki.

B CHIBALU CHAMUCHIYEDI: NYIKANDA [60]

Anakwinki nyikanda yitanu. Tañaku chiwahi nakashishi Kulonda wusakuluhi yiwana wuyakuli.

1 CHIHANDILU CHA KABUCHI (M.S. Chilayi) [15]

- (a) Hakwenzununa mukanda wachihandilu chakabuchi tunawani neyi Kataya wahitili mumakabi hansañu yakuvwala nyana nanfumwindi Dyahitaña.
- (i) Wunsahu inyi wunakumwekesha neyi chalala Kataya wahitili mumakabi wenawa kweseka na chiwunatañi mukanda weniwu. [2]
- (ii) Sonekaku wunsahu wakumwekesha neyi Dyahitaña diyi waletesheli makabi wenawa. [2]
- (b) "Ilaña taata, ami Kwami hinikweti nshidiku. Iwu mumbanda kwindi hidiyuku. Akwenu ezhima enda amutemoka..."
- (i) Wahosheli awa mazu hinyi? [1]
- (ii) Indi iwu muntu wenzhili nakusumbula yeniwu mumbanda hinyi? [1]
- (iii) Kweseka namazu anasonekewi hewuhu. Hakwila muntu amuteni nawu himumbanda chiña ekala ñahi? [2]
- (c) "Kabuchi hakumona neyi taata yindi nafwi dehi, hakeñeli Kukama hachipenzhiku. Ilaña kweseka nanshimbi yachisemwa, Kabuchi amufwomweni kudi akulumpi. Chadiñiwu akabuchi ha chipenzhi ana amandumi zhindi niwumu wenzhiluku Kwosi. Dichi Kabuchi hakweseka Kutoñozhoka ana mazu amulezhiluwu kudi taata yindi henohu wuchidi kushikola, nimazu amulezheliyi hakufwa chindi, hakuhosha nindi chalala dimu"
- (i) Mazwinyi amulezheliwu Kabuchi kudi taata yindi henohu kanda afwi? [2]
- (ii) Sonekaku mazhina awantu akeñeli kuzhaha Kabuchi? [2]
- (iii) Indi chakufukunya wadiñi muntu wamuchidinyi? [1]
- (d) Kabuchi hakukana kusumbula Kavuyi wamwekesheli yilwilu yamuchidinyi kudi madumi yindi? [2]

2 SAYITAMBA (Brighton K Matoka) [15]

- (a) "Iku Sayitamba wuchidi kuyekela nakankati mukachi Kachilombu chawamayala muchipatela, Ku Konyikemba Kwenzhileña mpuhu yakudambula kwawantu niwulumbu weneni nankashi hamukala. Yilwilu yezhima yaletesheli kudambula mukachi yenzhili hanyima yayikonkozhola yeñilili hamukala. Yikonkozhola yeniyi yenzhileña yadilondela muchilonda, muchilonda kewili neyi mukanka wawanzewu anakwenda. Mbutu yawulumbu yaweni wushi hakonyikemba nakubaluka nikukula nankashi..."
- (i) Yumanyi yamwenkeni hakonyikemba mwaka hekali wulumbu? [2]
- (ii) Indi iñoda Sambina nyananindi atemukililidi hakonyikemba? [2]
- (iii) Mpeza ñoda chanzama wafundumukili nakufuma hamukala wakonyikemba. Indi chumanyi chaleteli mpeza kufunta chefi ha konyikemba. [2]
- (b) Sonekaku muwihhi wunsahu wantesha hadi muntu wezhina da Kwanza. [3]
- (c) "Sayitamba wayanukishili nindi mukala wa Konyikemba wayili mpuhu yabadika kutama nankashi, Mpata ya Mwanta Chiputu Mazala hamu ninyanta yekwawu yatiyili mpuhu yeniyi...."

- (i) Yumanyi yinamwekani kudi Sayitamba haniyi mpinji? [2]
- (ii) Mukala wakonyikemba awiteneeni nawu wenzala nayuma yatama. Sonekaku yuma yeniyi. [2]
- (d) Indi Sayitamba watumbililidi mwanindi wavwalikili nindi Ndembi? [2]

3 NOLIYA (Ben Chitonda Kakoma) [15]

- (a) "Iwu Kawumba kunu Kumukala Kuzuwañana chochichi, Indi dinu chakamonayi chiseki chamutawuni wakakumina kudihi?" Welukili tuhu nindi kushikola hakaya kwoku..."
- (i) Wahosheli awa mazu hinyi? [1]
- (ii) Kawumba amufumishililidi hashikola ya Tunduya hadiñi nakutañilayi nawu ayi nakutanila ku Kitwe? [2]
- (iii) Hakutaña mukanda waNoliya, tunawani neyi Kawumba hela tuhu wadiñi mwana wabazhama, Ilaña wakoñelihu yuma yikwanu yayiwahi. Yumanyi yayiwahi yakoneliyi Kawumba Kweseka nanichi chiwunatañi Mumukanda weniwu? [2]
- (b) Anyitoka hamu ni amishoni adiñi nayilwilu yatama hadi antu eyila. Kweseka naninchi chiwunatañi mumukanda wa Noliya. Yilwilu inyi yatama yadiñi nawa nyitoka ni a mishoni had antu eyila. [2]
- (c) "Kutushidikilu twa chilunda anwali zheyala hela amadumi zhindi diwu ayaña nakwota mumbanda. Kakavulu adisumbulaña hela adisumbwishaña mwomu mwivuma dawu – muwusoku niwinyimbu wawa..."
- (i) Kweseka nayitoñozhoka yeyi, muloñadi antu chadisumbwishañawu mwomu mwivumu dawu hela muwinyimbu wawu? [2]
- (ii) Indi nyishiña hichumanyi? [2]
- (d) Sonekaku wunsahu wantesha hadi muntu wezhina da Kachiza. [4]

4 YISHIMU YAWATU NATUNYAMA (J.O. Katota) [15]

- (a) "Divumbami na ñodidi wakena nianyanawu ayedi ashakamini mwitala dina mafuku amavulu kafwampi nyaka yiyedi. Wakena nawanyandi hiyatiyili kuwaha kushakama mwivundaka. Akeñeli nawu asi afunti Kumukala"
- (i) Indi wadiñi mwini itala mwivunda mwashakamini Divumbami, ñodindi ni anyanawu hinyi? [1]
- (ii) Kanyamanyi walandishili Divumbami? [1]
- (iii) Divumbami walezheli ñodindi nianyanawu Kuya nakuchaya nehawa ya muyililila. Divumbami watweli mudihi? [2]
- (b) Mumukanda wayishimu yawantu nawatunyama anatenimu mpinji zhamboka mwa wanininyi kachinchi wufwayi wakutambuka muvumbu. Sonekaku mpinji zhenizhi. [2]
- (c) "Henohu mwanta Chikuñulu watemukili nakushiya ñanda yindi hakuya nakuswama mwisaña mumpaku yamutonde ..."
- (i) Chikuñulu wadini mwanta wamuchidinyi? [2]
- (ii) Sonekaku mazhina awampumba, Kaladiki ni Kapasu Kamwanta chikuñulu? [3]
- (iii) Kweseka nayitoñozhoka yeyi chayimu mpinji chikuñulu wadiñi mwanta wayilwilu yamuchidinyi? [2]
- (d) Muchishimu cha "Kachinchi chasumbwiliyi mwana Kamwanta". Mulonadi Kachinchi chayiliyi nakusenda antaña zhindi kulonda enzi atali chakunwayi menzhi atata? [2]

5 KWENDA KWAMUWAKRISTU (John Bunyan) [15]

- (a) "Apoliyoni nindi, Dichi chineluki nami eyi wumuntu wami, mpata oyu yezhima yami hohu; Mwanta wayu yami ahamekañawu. Indi eyi wunatemuki mwanta weyi fiahi? Chakubula Kukeña nami wunkalakeli cheñi. Mutenowu nadi kukutapa hohena hanu nimpadaheseki...."
- (i) Indi muKakristu na Apoliyoni abulakeni kudihi? [1]
- (ii) Sonekaku muwihi nakumulumbulula chikupu Apoliyoni. [3]
- (b) "Chashikiliyi mukaKristu Kwitala da Sakulumbulula, hakudondomwena dondomwene-e! Nkumininaku hikukwinza muntu naKwihula nindi," Wudi oku hinyi?"
- MwakaKristu nindi kunu kudi mukakwenda. Hiyakutambika mwini Itala. Chanenziyi hakwihula nindi. "Wukukeñadi?"
- "MukaKristu nindi, "Ami nafuma kumukala wakuzhilu muka hinakaya kumpidi ya Zion. Anlezha kudi muntu wemanaña kuchisu nindi eyi wukulezha yuma yayiwahi yakunkwasha munzhila yami..."
- (i) Sonekaku muwihi yuma yiwana yayiwahi yamulezheliwu mukaKristu yakudikwasha nachu munzhila. [4]
- (ii) Lumbululaku mwaya iyi yifwikizha.
- (1) Kesi [1]
- (2) Menzhi [1]
- (3) Manzhi [1]
- (c) Indi MukaKristu wemenenindi kwakwihi nampindi? [1]
- (d) "Demasi nindi, "Ami mukwenu mukwakwitiya, Neyi mukuchiñilila chantesha nukwenda nenu. MukaKristu nindi, "Izhina deyi yeyinyi? Mukwawu nindi, izhina dami yami Demasi. MukaKristu nindi nakwiluki dehi ni ankankulula zheyi....."
- (i) Sonekaku mazhina awankankulula zha Demasi. [2]
- (ii) Indi Demasi neyi kulelu wunakwinyika mwevulu wanka? [1]

WUNAMANISHI!